



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Illvstri Regi Armeniæ.

urn:nbn:de:hbz:466:1-20020

non omnes &c. tu ea, frater Episcope,
cum eorum altero &c. Datum Viterbij
vii. Kal. Iunij, pontificatus nostri anno
duodecimo.

ILLVSTRI REGI ARMENIÆ.

*Epiſt. 45.
Perſuadeur ut
treugas incaet
etum Comite
Tripolitano.*

SVper discordia quæ de principatu Antiocheno inter te occasione nepotis tui & Comitem Tripolitanum peccatis exigentibus est suborta vehementissimè contristamur, verentes ne adhuc de ipsa proveniat grave rerum dispendium, multa corporum strages, & ingens periculum animarum, quodque non leviter est timendum, à perfidis Saracenis nobilis Antiochia occupetur in tuam non solum & suam, verum etiam totius Christianitatis injuriam & jacturam. Quantumlibet autem partem tuam justificare nitaris, sicut per litteras tuas & dilectos filios Tarsensem electum & . . fratrem hospitalis Theutonicorum nobis suggestere studiisti, videtur tamen viris prudentibus tam in divino quæ in humano jure peritis tua in hoc petito minus justa quod postulas ante litis ingressum absque judicio nepoti tuo refutui Antiochiam vel apud alium sequestrari, cum etsi alterutrum fuerit faciendum, cognitione habita in judicio per sententiam debeat diffiniri, cō quod cūm prædictus Comes ipsius civitatis possestionem obtineat, absque judicio non debeat illa defitui secundum leges & consuetudines approbatas. In hoc etiam tua videtur intentio minus recta quod super eodem negotio & justitiam tibi postulas exhiberi & violentiam non definis exercere, cum simul non sit & armis & legibus contendendum. Hęc autem, fili carissime, sentiendo non dicimus, sed multorum sententias referendo, ut intelligas quam benignè curaverimus te tractare, cum te haec tenus ab impugnatione Antiochiae non cessante, ad tuam petitionem jam tertio causam istam diversis judicibus duxerimus committendam, qui semper tibi secundum juris ordinem obtulerunt justitiam exhibere. Vnde prefatus Comes de nobis conqueritur pro eo quod te per censoram ecclesiasticam non compellimus ab ejus impugnatione cessare, cum ipse paratus sit secundum ordinem juris subire judicium, & tu nolis. Multiplici tamen necessitate pensata, ita duximus providendum, ut dictum Comitem precibus, monitis, & consiliis efficaciter inducamus quatinus venerabili fratri nostro Petro Patriarchae Antiocheno, viro utique honesto, provido,

& fideli, neutri parti de jure suspecto, castellum Antiochiae tenendum committat donec in judicio de justitia cognoscatur, ut ē tandem illud assignet pro quo fuerit justa sententia promulgata, provisis sibi expensis à partibus ad ipsius castelli custodiā opportunis, & promissione sibi à magistris Hospitalis & Templi solemniter facta quod eum ad custodiendum ipsum castellum pro posse juvabunt. Nos enim auctore Deo virum à latere nostro dispositum destinare qui sine acceptance personarum & munierum de causa ista cognoscat, & eam sublato cujuslibet contradictionis & appellationis obstaculo prævia ratione decidat. Vnde serenitatem tuam rogandam duximus & monendam, in remissionem tibi peccatum in jungentes quatinus cum præfato Comite treugam in eas & observes, ut præscripta possint discrimina evitari. Sicque Templarij, de quibus valde conquereris, à tua offensione cessabunt, dummodo tu illos desistas offendere, ac de castro Galton postulatam sèpe justitiam non deneges exhibere. Hęc est enim *1. epif. 19.* causa præcipua quam contra te habere videantur, quod videlicet castrum illud eis restituere contradicat, nec etiam vis de illo eis exhibere justitiam sèpe monitus & rogatus à nobis. Vnde cūm vim vi repellere omnes leges & omnia jura permittant, ab iis maximè qui vim repellendo irregularitatem non contrahunt, cūm Clerici non existant, videtur plerisque quod contra te offendentem se possint defendere tibique impugnanti valeant repugnare, præsertim cūm illa eis subtrahas violenter per quæ confueverunt & debent expugnare paganos; cūque tu castrum illud contra eos detineas & defendas, mirabile non videatur si ipsi contra te Antiochiam manenteant & defendant, in cuius pertinentiis non minimam obtinent portionem, cūm longè aliud sit defendere quam offendere, ac repugnare sit quam impugnare diversum. Fatentur enim hoc quoque sibi ex indulgentia bona memoria Alexandri Papæ prædecessoris nostri licere, postulantes id ipsum à nobis in instanti sibi necessitatis articulo indulgeri, alioquin plures ex ipsis terram sanctam se afferunt reliqueros, quos tamen blandè studiuimus consolari, volentes ut, si defuper datum fuerit, inter te & illos firma concordia reformatur: quia cūm sint viri strenui & potentes, mulrum tibi & prodeste possunt &, quod Deus avertat, obesse. Monemus ergo celstitudinem tuam, quam sinceræ dilectionis bra-

chis amplexamur, & exhortamur in Dominō quatinus ad ea quae prædiximus piūm habeas cum devotione reip̄ecum. Nec putes quod illa dixerimus in favorem præfati Comitis, qui per illud horribile facinus quod in patrem & dominum suum iniquè commisit, favorem demeruit, nec ob gratiam Templariorum, quos magis volumus in suā religionis puritate perfidere quam adversum te hostiliter dimicare. Sed prudēti consilio ista pensavimus propter necessitates urgentes, ut communis utilitas præferatur. Quocirca modis omnibus expedit & oportet ut si etiam dictus Comes ad sequestrationem castelli non posset induci, cūm ad eam non possit forsan de jure compelli, treugā nihilominus fiant & firmiter observentur donec hujusmodi controversia mediante iustitia terminetur; ad quam utique sopiendam virum prudentem, sicut prædiximus, cum Dei auxilio curabimus destinare, per quem testes qui fuerint nominati, si se gratia, odio, vel timore subtraxerint, compelli mandabimus perhibere testimonium veritati. Si qua verò partium tam necessario & sano consilio noluerit acquirescere, per censuram ecclasiasticam & tam per indigenas quam etiam peregrinos eam præcipimus coērceri. Datum Viterbij 11. Non. Iunij, pontificatus nostri anno duodecimo.

*ABBATI ET CONVENTVI
sancti Benedicti Floriacensis.*

Quoniam per administrationem im-
providam & dissolutam incuriam
prælatorum pro alienationibus illicitis fac-
tis ab ipsis quamplures Ecclesia in tem-
poralibus non modicum sustinent detri-
mentum, nobis, quibus est Ecclesiarum
omnium sollicitudo commissa, ex officij
debito pastoralis incumbit post caufam tal-
iter vulneratam remedium competens in-
venire, quod obducere possit & debeat
hujusmodi vulnerum cicatrices. Cūm igi-
tur à nobis duxeritis postulandum ut revo-
candi ea quae de bonis Ecclesia vestra per
Abbes ejusdem illicite alienata furentur
vel concessa in ejus præjudicium & grava-
men vobis auctoritatē tribuere dignare-
mur, nos vestris precibus inclinati, vobis
duximus concedendum ut ea quae ab ipsis
Abbatibus inveneritis alienata illicite vel
concessa vobis liceat ad jus ipsius appellati-
one remota legitimè revocare. Nulli ergo &c.
hanc paginam nostræ concessio-
nis infringere vel ei ausu temerario con-
traire. Si quis autem hoc attentare præ-

sumperit &c. usque incursum. Datum
Viterbij Nonis Iunij, pontificatus nostri
anno duodecimo.

E I S D E M.

Splet annuere sedes apostolica piis vo-
tis & honestis petentum precibus fa-
vorem benivolum impertiri. Eapropter,
dilecti in Domino filij, veltris justis postu-
lationibus grato concurrentes assensu,
compositionem inter vos ex parte una &
bonæ memorie Willelmum Archiepisco-
pum & Capitulum Senonense ex altera su-
per Ecclesia de Lorioaco inigam & scriptis
authenticis roboratam, sicut sine pravita-
te providè facta est & ab utraque parte
sponte recepta, & in eisdem authenticis
plenius continetur, auctoritate apostolica
confirmamus & præsentis scripti patroci-
nio communimus. Nulli ergo omnino ho-
minum licet hanc paginam nostræ con-
firmationis infringere vel ei &c. usque in-
cursum. Datum Viterbij 111. Kal. Iu-
nij, anno duodecimo.

*Epiſt. 47.
Confirmatur
compositio fa-
cta cum Ar-
chiepiscopo
Senonensi.*

*ABBATI ET FRATRIBVS
sancti Benedicti super Ligerim.*

In litteris felicis recordationis Alexan-
dri Papæ prædecessoris nostri hæc de
verbo ad verbum perspeximus contineri.
ALEXANDER Episcopus servus ser-
rum Dei dilecti filii Abbati & fratribus
sancti Benedicti super Ligerim salutem &
apostolicam benedictionem. Quod aliqua
necessitate instante noscitur institutum, &
postmodum necessitate cessante debet &
quod ejus gratia est inductum simili modo
cessare. Hac siquidem considératione pro-
vocati, & Ecclesia vestra, quæ propriè
beati Petri juris existit, tranquillitatē &
pacis in posterum præcavere volentes, au-
toritate apostolica duximus statuendum
ut licet Archiepiscopi aut Episcopi prop-
ter præsentiam nostram aliquod onus ad
præsens obedientiis vestris imponant, nul-
li eorum fas sit posthac occasione illa
contra antiquam consuetudinem vestram
à fratribus vestris per obedientias consti-
tutis alias exactiones imponere aut quid-
libet ab eis exigere. Datum Senonis vi.
Idus Martij.] Quod igitur ab ipso præde-
cessore nostro provida fuit deliberatione
statutum ratum & firmum habentes, ad
exemplar ejusdem illud præcipimus invio-
labiliter observari. Datum Viterbij 111.
Kal. Iunij, pontificatus nostri anno duo-
decimo.

*Epiſt. 48.
Confirmatur
compositio fa-
cta quoddam
privilegium
"Alexandri
Pape."*